



Inatsisartunut ilaasortaq
Jens-Frederik Nielsen,
Demokraatit

Brev 01.02.2022
Sagsnr.2021 - 19694
Akt. nr. 17599917

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Parisimi isumaqatigiissut pillugu § 37 naapertorlugu apeqquummut nr. 148-mut akissut

Asasara Jens-Frederik Nielsen

Parisimi isumaqatigiissut pillugu Naalakkersuisunut Inatsisartut suleriaasianni §37 imm. 1 naapertorlugu apeqquteqarputit.

Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfimmit ilassuteqaatit ilanngunneqarput.

1. Paris-imi isumaqatigiissut ilanngunnitsinnut nunatut suut pisussaaffigilerpagut?

Akissut

Parisimi isumaqatigiissuttip iluani periarfissat kingumut misissorneqaqqinnerani paasineqarsimavoq Parisimi Isumaqatigiissummut ilannguttoqarsinnaasoq Kalaallit Nunaat Danmarkip pisussaaffiinut ilanngutitinneqanngikkaluarpalluunniit, taamatullu Kalaallit Nunaat CO2-mik annikillisaanissamut siumoortumik imminut pisussaaffileqqaartariaqanngitsoq.

Inatsisartut Kalaallit Nunaata Parisimi Isumaqatigiissummut tunngatillugu nunatut nangaassuteqarnerup atorunnaarsinneqarnissaa akuerissappassuk, taava Kalaallit Nunaat imminut pisussaaffilissaaq nunatut silaannaap pissusianut sunniutinut annikillisaaqataanissamut anguniagassanik ("Nationally Determined Contribution"-i mik taaneqartartumik) nuna tamakkerlugu akuerineqarsimasunik nassiussinissamut. Taamatut annikillisaanissamut tapiissutissaq inatsisitigut pituttorsimasuunngilaq. Naalakkersuisut annikillisaanissamut tapiissutissaq UNFCC-mut nassiutsinagu, Naalakkersuisut Kalaallit Nunaata silaannaap pissusia pillugu iliuusissaq siulerpaaq Nunatta tapiissutissaanut toqqammaviususaaq suliarissavaa.

a. Isumaqatigiissummut ilanngunnitsinnut aningaasatigut kingunissaat suuppat, qanorlu annertutigippat?

Akissut:

Tassunga tunngatillugu Inatsisartunut ilisimatitsissut 13. december 2021-mi nassiussuunneqarsimasooq innersuutigissavara.

- i. **Naalackersuisut kingunerluutaasinnaasunik nalilersuinikuuppat, tamatumanilu kingunissanik kisitsisaateqarnerlutik Paris-imi isumaqatigiisummut ilanngunnitsinnut?**

Akissut:

Tassunga tunngatillugu Inatsisartunut ilisimatitsissut 13. December 2021-mi nassiusuunneqarsimasooq innersuutigissavara.

- b. **Suliffeqarfiit nunatsinniittut isumaqatigiisummut ilanngunnerput qanoq malugissavaat?**

Akissut:

Tassunga tunngatillugu Inatsisartunut ilisimatitsissut 13. december 2021-mi nassiusuunneqarsimasooq innersuutigissavara. Tamatuma saniatigut Kalaallit Nunaanni inuussutissarsiortut silaannaap pissusianut tunngatillugu iliuusissap suliarineqarnerani akuutinneqassapput.

- c. **Innuttaasut nunatsinniittut isumaqatigiisummut ilanngunnerput qanoq malugissavaat?**

Akissut:

Tassunga atatillugu Inatsisartunut ilisimatitsissut 13. December 2021-mi nassiusuunneqarsimasooq innersuutigissavara. Isumaqatigiisummut ilaalernermi Kalaallit Nunaanni innuttaasunut malunniutissanngilaq. Silap pissusianut periusissiassap suliarineqarnerani innuttaasut peqataatinneqassapput.

2. **Naalackersuisut qanoq isumannaarniarpaat nunatsinni suliffeqarfissuaqarnikkut ineriartorneq malitsigisaanillu CO2-mik aniatitsinnginneruniarluta?**

Akissut:

Naalackersuisut Parisimi Isumaqatigiisut suliffissuaqarnermilu ineriartortitsineq imminnut akkerliittutut isiginngilaat. Parisimi Isumaqatigiisutikkut imatut aqqis-sugaavoq nunat ataasiakkaat ineriartornissamut pisariaqartitaannut inissaqartitsisutut. Isumaqatigiisummut ilanngunnerput imatut isumaqarpoq CO2-mik aniatitsinerput eqqumaffiginerulissagipput, toqqaannartumillu attuumassuteqartunik peqateqarluta paasiniassagipput qanoq tapiissuteqarsinnaanerluta, Kalaallit Nunatta suliffissuaqarnikkut ineriartortitsinerata ingerlanera mianeralugu.

- a. **Isumaqatigiisut mmalillugu ullumikkornit CO2-mik aniatitsinerulersimavugut?**

Akissut:

Apeqquut aappaanni akissuteqaammut innersuutigissavara.

3. Suut tunngavilersuutigalugit Naalakkersuisut tusagassiortunut nalunaaruteqarpat, Inatsisartut ilisimateqqaarsimanagit?

Akissut:

Ataani atsiortoq Naalakkersuisut aalajangernerat pillugu Eqqissisimatitsi-nermut Avatangiisinullu Ataatsimiititaliamut aamma Nunanut Allanut Sillimaniarnermullu Ataatsimiititaliamut ulloq 28. oktobari 2021 allaganngorlugu ilisimatitsissuteqarpoq.

Ataani atsiortup nutaarsiassaq Kalaallit Nunaanni tusagassiorfinnut ulloq 1. novembari 2021 nal. 10.00 (Kalallit Nunaanni nalunaaqutaq malillugu) nalunaarutigaa, tamassumalu kingorna COP26-imi oqalugiarnermi nalunaarutigalugu.

4. Naalakkersuisut pineqartumut allanik ilisimatitsiniarpat?

Akissut:

Paasissutissiissut inatsisartut ilaasortaanut tamanut nassiuppara ulloq 13. december 2021

Inussiarnersumik inuulluaqqusillunga



Múte Bourup Egede
Naalakkersuisut Siulittaasuat